



*Srednja elektrotehnička škola
Sarajevo*

**PRAVILA
O IZMJENAMA I DOPUNAMA PRAVILA
SREDNJA ELEKTROTEHNIČKA ŠKOLA
SARAJEVO**

Sarajevo, 29.06.2026. g.

Na osnovu člana 37. Zakona o ustanovama ("Službeni list R BiH" broj: 6/92, 8/93 i 13/94), članova 20. i 108. stav (1) tačka a) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br:27/24), člana 152. stav (1) tačka a) i člana 181. Pravila Javne ustanove Srednja elektrotehnička škola Sarajevo, te odredbi članova 55., 65. i člana 176. Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo“ broj: 17/26), Školski odbor JU Srednja elektrotehnička škola Sarajevo, uz konsultacije sa Sindikalnom organizacijom JU Srednja elektrotehnička škola Sarajevo, na sjednici održanoj 29.06.2026. godine, donosi prijedlog

PRAVILA
o izmjenama i dopunama Pravila
Javne ustanove Srednja elektrotehnička škola Sarajevo

Član 1.

U Pravilima JU Srednja elektrotehnička škola Sarajevo, broj: 406/25, u Pravilima o izmjeni i dopuni Pravila JU Srednja elektrotehnička škola Sarajevo, broj 1408/25 i Pravilima o izmjeni Pravila broj: 01-1962/25 (u daljem tekstu: Pravila), član 116. mijenja se i glasi:

Član 116.
(Zaštita ličnih podataka)

Član 116. stav (1) mijenja se i glasi:

(1) Na pitanja prikupljanja, obrade i davanja ličnih podataka sadržanih u evidenciji, koja se vodi saglasno odredbama ovih Pravila, primjenjuju se odredbe Zakona o zaštiti ličnih podataka ("Službeni glasnik BiH", br. 12/25).

Član 2.

Član 142. mijenja se i glasi:

Član 142.
(Pravo radnika sa najvišim stepenom službenog zvanja)

- (1) Radnik koji je postigao najviši stepen službenog zvanja ima pravo na uvećanje njegove osnovne plaće za 10% nakon četiri godine provedene u najvišem službenom zvanju, pod uvjetom da je u tom periodu bio uvijek ocijenjen ocjenom "naročito se ističe"
- (2) Radnik koji je postigao najviši stepen službenog zvanja, ima pravo na uvećanje njegove osnovne plaće za 13% nakon osam godina provedenih u najvišem službenom zvanju, pod uslovom da je u tom periodu bio uvijek ocjenjivan ocjenom „naročito se ističe“.
- (3) Radnik koji je postigao najviši stepen službenog zvanja ima pravo na uvećanje njegove plate za 15% nakon 12 godina provedenih u najvišem službenom zvanju, pod uslovom da je u tom periodu uvijek bio ocjenjivan ocjenom „naročito se ističe“.
- (4) Prava iz st. (1), (2) i (3) ovog člana preispituju se svake četiri godine.
- (5) Radnik iz st. (1), (2) i (3) ovog člana ne gubi stečeno pravo, ukoliko zbog plaćenog odsustva dužeg od šest mjeseci nije ocijenjen.
- (6) Dodaci iz st. (1), (2) i (3) ovog člana međusobno se isključuju.

Član 3.

Član 144. mijenja se i glasi:

Član 144.
(Postupak ocjenjivanja tehničkog i pomoćno-tehničkog osoblja)

(1) Postupak ocjenjivanja radnika, tehničkog i pomoćno-tehničkog osoblja (radnik za servisno-tehničku podršku, dnevni čuvar zadužen za sigurnost, radnik na održavanju higijene, i sl.) čije ocjenjivanje nije regulisano pravilnikom koji donosi ministar, vrši se na način propisan ovim

Pravilima, a provodi se u cilju kvalitetnog i profesionalnog obavljanja poslova i zadataka, većeg zalaganja u radu, a u cilju zadržavanja statusa radnika i napredovanja u službi.

(2) Direktor, kao predstavnik poslodavca, organizira praćenje rada radnika i postizanje rezultata u radu i vrši ocjenjivanje, na način i po postupku kako je to propisano zakonima, podzakonskim aktima i općim aktima javne ustanove.

(3) Radnici koji su u toku školske godine radili manje od šest mjeseci ne ocjenjuju se za tu godinu, bez obzira na razloge.

(4) Radnici iz stava (1) ovog člana se mogu ocjenjivati pod uvjetom;

a) da su u radnom odnosu na određeno ili neodređeno vrijeme,

b) da imaju odgovarajući profil i stručnu spremu utvrđenu Zakonom i Pedagoškim standardima i normativima.

(5) Rad radnika iz stava (1) ovog člana ocjenjuje direktor.

Član 4.

Naziv člana i član 145. mijenja se i glasi:

Član 145.

(Dodaci na plaću za ocjenu rada tehničkog i pomoćno-tehničkog osoblja)

(1) Dio plaće koji pripada radniku koji obavlja tehničke i pomoćno-tehničke poslove u javnoj ustanovi (radnik za servisno-tehničku podršku, dnevni čuvar zadužen za sigurnost, radnik na održavanju higijene, i sl.) po osnovu ocjene rada utvrđuje se kako slijedi:

a) za ocjenu "izuzetno uspješan" 5% od osnovne plaće,

b) za ocjenu "uspješan" 2% od osnovne plaće.

(2) Procenat na ime ocjene rada iz stava (1) ovog člana pripada radniku iz stava (1) na šestomjesečnom nivou, nakon šestomjesečnog praćenja rada radnika do sljedećeg ocjenjivanja.

(3) Ocjena o radu i procenat na ime ocjene rada iz stava (1) se utvrđuje pojedinačnim detaljno obrazloženim rješenjem direktora javne ustanove koje direktor donosi svakih šest mjeseci svake godine i koje se radniku izdaje najkasnije 15 dana po isteku šestomjesečnog praćenja rada radnika.

(4) Odredba iz stava (2) ovog člana ne odnosi se na radnike koji su u periodu na koji se odnosi ocjenjivanje radnika bili na plaćenom odsustvu, a minimalan period rada u okviru šestomjesečnog praćenja rada treba biti veći od tri mjeseca.

Član 5.

Naziv člana i član 146. mijenja se i glasi:

Član 146.

(Žalba na Rješenje ocjene o radu)

(1) Radnik na rješenje iz člana 145. stav (3) ovog člana ima pravo da uputi žalbu Školskom odboru.

(2) Odluka školskog odbora je konačna.

(3) Radnik ima pravo da osporava rješenje iz člana 145. stav (3) ovog člana putem nadležnog suda.

(4) Prekidom perioda ocjenjivanja radnika u smislu kontinuiteta ocjenjivanja ne smatraju se prekidi nastali zbog: privremene spriječenosti za rad, porođajnog odsustva, odsustva sa rada u skladu sa zakonom i Kolektivnim ugovorom za djelatnost srednjeg obrazovanja u Kantonu Sarajevo i perioda između otkaza ugovora o radu i dana povratka na radno mjesto na osnovu odluke suda ili drugog organa, u skladu sa zakonom i navedenim Kolektivnim ugovorom.

Član 6.

Naziv člana i član 147. mijenja se i glasi:

Član 147.

(Broj bodova i predmet ocjenjivanja tehničkog i pomoćno-tehničkog osoblja))

(1) Radnici iz člana 145. stav (1) ocjenjuju se ocjenom:

- a) „izuzetno uspješan“ (broj bodova 26 – 30),
- b) „uspješan“ (broj bodova 21 – 25),
- c) „dobar“ (broj bodova 16 – 20),
- d) „zadovoljava“ (broj bodova 11 – 15),
- e) „ne zadovoljava“ (broj bodova 0 – 10).

(2) Predmet ocjenjivanja radnika iz člana 145. stava (1) ovog člana i broj bodova utvrđuje se prema rezultatima rada koji su postignuti tokom šestomjesečnog praćenja rada na blagovremenom, pravilnom, zakonitom i stručnom obavljanju svih poslova radnog mjesta, i to:

- a) kvalitetno i efikasno obavljanje poslova – 0 do 5 bodova,
- b) blagovremeno obavljanje poslova – 0 do 5 bodova,
- c) predanost i marljivost u radu – 0 do 5 bodova,
- d) korektan odnos prema sredstvima za rad – 0 do 5 bodova,
- e) racionalno korištenje radnog vremena i prisutnost na poslu – 0 do 5 bodova,
- f) iskazivanje ličnih osobina na poslu kao što su odnosi i ponašanje prema strankama i radnim kolegama – 0 do 5 bodova.

OCJENA O RADU

Za radnika za tehničke i pomoćno-tehničke poslove _____

Red. broj	Područje	Ocjena	Br. bodova	Napomena
01.	Kvalitetno i efikasno obavljanje poslova		0 do 5	
02.	Blagovremeno obavljanje poslova		0 do 5	
03.	Predanost i marljivost u radu		0 do 5	
04.	Korektan odnos prema sredstvima za rad		0 do 5	
05.	Racionalno korištenje radnog vremena i prisutnost na poslu		0 do 5	
06.	Iskazivanje ličnih osobina na poslu kao što su odnosi i ponašanje prema strankama i radnim kolegama		0 do 5	
		UKUPNO:	0-30	
		OCJENA:		

Član 7.

Naziv člana i član 148. mijenja se i glasi:

Član 148.

(Ocjenjivanje radnika za rad u više javnih ustanova)

Radnik koji radi u više javnih ustanova se ocjenjuje, napreduje i stiče stručna zvanja u svim javnim ustanovama u kojima radi a prilikom obračuna plata i naknada primjenjuje se ocjena i stručno zvanje koje je najpovoljnije za radnika.

Član 8.

Ostale odredbe Pravila broj: 406/25, 1408/25 i 01-1962/25 ostaju nepromijenjene.

Član 9.

Ova Pravila stupaju na snagu danom davanja saglasnosti ministra Ministarstva za odgoj i obrazovanje Kantona Sarajevo.

Broj: 01-1221-2/26
Sarajevo, 29.06.2026. godine



Predsjednik Školskog odbora
Mirza Muhibić, dipl.ecc.



U skladu sa članom 20. stav (1) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24), ministar Ministarstva za odgoj i obrazovanje Kantona Sarajevo dao je saglasnost na ova Pravila o izmjenama i dopunama Pravila Odlukom broj 11-06/01-34-643-10/26 od 09. 07. 2026. godine, te su danom davanja saglasnosti stupila na snagu.